

Schulhaus-„Einweihung“ mit Schülerinnen und Schülern

1. Schultag der Primarschule Zehntenhof im neuen Schulhaus Zehntenhof

Kurzansprache Schulleiter

„Liebi Schüelerinne und Schüeler, liebi Lehrerinne und Lehrer

Hütt isch en ganz en spezielle Tag. Für mich, für d’Lehrerinne und Lehrer und für Euch alli. Nach über zwei-e-halb Jahr i de Container beziehnd mier s’neue Schuelhuus.

Au ich bin echli nervös gsii, wie amene erschte Schueltag. Vieli Lüüt hend für Eus alli gschaffet: D’Architektinne und Architekete, d’Ingenieur, d’Bauleiter und d’Handwärkerinne und Handwärker.

Jetzt isches do, jetzt isches Realiät. I de letschte über zwei Wuche hend d’Lehrerinne und Lehrer au sehr viel z’tue gha. Sie hend alles süüferli iipackt i de Container und zäme hemmers neue Schuelhuus igrichtet. Ich danke, das isch en grosse Applaus wärt. []

Es isch jetzt ned nur es richtigs Schuelhuus - parat für Euch Schüelerinne und Schüeler. Sondernn – zumindest im Momänt – s’modernschte Schuelhuus i de Schwiiz. Ihr gsehnd denn i de Schuelzimmer, was ich meine... Bitte trüged chli Sorg zu euchem neue Schuelhuus. Die füüf Regle gälte allli au am neue Ort, tänked draa.

Liebi Schüelerinne und Schüeler.

Ich möchte ned länger wärde, mier und ihr alli sind unheimlich gschannt. De Präsident vom Schüelerrot, de M.G., wird jetzt denn, nochdem mier de Zehntehofsong gsunge hend (das dörfmer ghöre im Quartier, singed ruhig luut!!), s’Band zum Schuelhuus dureschniide, ab denn ghört s’Schuelhuus eus allne.

Viel Spass...“



20.02.2017

Marco Hardmeier, Schulleiter